

შპს „ახალი ქსელების“ საკომუნიკაციო საკანალიზაციო  
არხებთან დაშვების შეთავაზების წინადადება

( მოწვევის ოფერტი )

ქ. თბილისი

2015 წელი

წინამდებარე ოფერტით განსაზღვრულია შპს "ახალი ქსელების" (შემდგომში: „ოფერენტი“) საკომუნიკაციო საკანალიზაციო არხებთან დაშვების შეთავაზების პირობები, რომელიც ვრცელდება დაშვების მსურველ ყველა ავტორიზირებულ პირზე (შემდგომში „აქცეპტანტი“), საქართველოს კომუნიკაციების ეროვნული კომისიის # 620/9 გადაწყვეტილების თანახმად.

“ოფერენტის” ელექტრონული საკომუნიკაციო საკანალიზაციო არხებთან დაშვება ხორცილდება შემდეგი პირობებით:

**მუხლი 1. “ოფერენტის” ელექტრონული საკომუნიკაციო საკანალიზაციო არხებთან დაშვების მომსახურების მიწოდების ვალდებულება**

- 1.1. “ოფერენტის” ელექტრონული საკომუნიკაციო კანალიზაციის არხებთან დაშვების მომსახურების მიწოდების ვალდებულება დაკისრებული აქვს ზესტაფონის მუნიციპალიტეტში.
- 1.2. „ოფერენტი“ ელექტრონული საკომუნიკაციო საკანალიზაციო არხებთან დაშვების მომსახურების გაწევას ახორციელებს მხოლოდ ელექტრონული საკომუნიკაციო საკანალიზაციო არხებში კაბელის გატარების (არხის ორ წერტილს შორის კაბელის განლაგების) ფარგლებში.

**მუხლი 2. „ოფერენტის“ საკომუნიკაციო საკანალიზაციო არხების სიმძლავრეების მონაცემები.**

- 2.1 ზესტაფონის მუნიციპალიტეტი - საკომუნიკაციო საკანალიზაციო არხის სრული სიგრძე შეადგენს - 7 137.4 მეტრს.

**მუხლი 3. „ოფერენტის“- ელექტრონული საკომუნიკაციო კანალიზაციის არხებთან დაშვების მომსახურების ტარიფები:**

- 3.1. „ოფერენტის“- ელექტრონული საკომუნიკაციო კანალიზაციის არხებთან დაშვების მომსახურების ტარიფები განსაზღვრულია საქართველოს კომუნიკაციების ეროვნული კომისიის 2015 წლის 16 ივნისის #351/19 გადაწყვეტილების თანახმად, რომელიც შეადგენს:

15 მ მ დ ი ა მ ე ტ რ ი ს კ ა ბ ე ლ ი \_ 20,81 ლ ა რ ი  
25 მ მ დ ი ა მ ე ტ რ ი ს კ ა ბ ე ლ ი \_ 57,81 ლ ა რ ი  
35 მ მ დ ი ა მ ე ტ რ ი ს კ ა ბ ე ლ ი \_ 113,31 ლ ა რ ი  
45 მ მ დ ი ა მ ე ტ რ ი ს კ ა ბ ე ლ ი \_ 187,31 ლ ა რ ი  
55 მ მ დ ი ა მ ე ტ რ ი ს კ ა ბ ე ლ ი \_ 279,81 ლ ა რ ი  
65 მ მ დ ი ა მ ე ტ რ ი ს კ ა ბ ე ლ ი \_ 390,81 ლ ა რ ი

- 3.2. „ოფერენტის“ ინიციატივით მის მიერ განხორციელებულ მომსახურებაზე ტარიფის ცვლილება შესაძლებელია განხორციელდეს ცალმხრივად, „ოფერენტის“ მიმართ კანონმდებლობითა და საქართველოს კომუნიკაციების ეროვნული კომისიის (შემდგომში: „კომისია“) მიერ დადგენილი ვალდებულებების გათვალისწინებით, „აქცეპტანტისათვის“ წერილობითი შეტყობინების გაგზავნის საფუძველზე. შეტყობინება უნდა გაიგზავნოს ცვლილების განხორციელებამდე მინიმუმ 2 (ორი) კვირით ადრე მაინც, შეტყობინებას უთანაბრდება კანონმდებლობით დადგენილ შემთხვევაში მხარის მიერ ტარიფების გამოქვეყნება „კომისიის“ ვებ-გვერდზე. ამ პუნქტით გათვალისწინებული წესით ტარიფის ცვლილება უთანაბრდება „აქცეპტანტთან“ გაფორმებული ელექტრონული საკომუნიკაციო კანალიზაციის არხებთან დაშვების ხელშეკრულებაში ცვლილების შეტანას.
- 3.3. თუ „აქცეპტანტი“ არ ეთანხმება ტარიფების ცვლილებას, იგი ვალდებულია წერილობით აცნობოს „ოფერენტს“ წინამდებარე ოფერენტის 3.2. პუნქტით გათვალისწინებული ვადის განმავლობაში. აღნიშნული ქმედება განხილულ იქნება როგორც უარი მომსახურების მიღებაზე, შესაბამისად, „ოფერენტი“ უფლებამოსილია დამატებითი გაფრთხილების გარეშე შეაჩეროს/შეწყვიტოს ხელშეკრულება წინამდებარე „ოფერენტი“ განსზღვრულ მომსახურებაზე.
- 3.4. თუ წინამდებარე ოფერენტის 3.2. პუნქტით გათვალისწინებული ვადის განმავლობაში „აქცეპტანტი“ წერილობითი ფორმით არ განაცხადებს უარს „ოფერენტის“ მიერ განსახორციელებელ ცვლილებაზე, ჩაითვლება, რომ აღნიშნული ცვლილება „აქცეპტანტის“ მიერ მიღებულ იქნა უპირობოდ.

**მუხლი 4. „ოფერენტის“-ელექტრონული საკომუნიკაციო კანალიზაციის არხებთან დაშვების განხორციელების პირობები და პროცედურები:**

- 4.1. „აქცეპტანტი“ ვალდებულია წარმოადგინოს:
- ა) ავტორიზაციის დამადასტურებელი დოკუმენტი;
  - ბ) ამონაწერი სამეწარმეო რეესტრიდან;
  - გ) უფლებამოსილი პირის პირადობის მოწმობის ასლი;
- 4.2. „აქცეპტანტის“ მიმართვიდან 2 სამუშაო დღის ვადაში „ოფერენტი“ შეისწავლის აკმაყოფილებს თუ არა „აქცეპტანტის“ მიერ წარმოდგენილი დოკუმენტაცია 4.1 პუნქტის მოთხოვნებს. თუ 4.1 პუნქტის ერთი მოთხოვნა მაინც არ შესრულდა ან/და „აქცეპტანტს“ გააჩნია დავალიანება „ოფერენტის“ მიმართ, მას უბრუნდება განაცხადი და ჩაითვლება რომ „აქცეპტანტის“ მიერ აქცეპტი არ გაკეთებულა.
- 4.3. დავალიანებაში ასევე იგულისხმება ისეთი შემთხვევა, როდესაც „აქცეპტანტის“ მიერ ნაწილობრივ ან/და არაჯეროვნად სრულდებოდა „ოფერენტის“ წინაშე ნაკისრი ფინანსური ვალდებულებები
- 4.4. თუ „აქცეპტანტის“ მიერ წარმოდგენილი დოკუმენტაცია აკმაყოფილებს 4.1 პუნქტში განსაზღვრულ პირობებს და მას არ გააჩნია დავალიანება „ოფერენტის“ მიმართ, „აქცეპტანტის“ მიმართვიდან 5 სამუშაო დღის ვადაში „ოფერენტი“ უგზავნის „აქცეპტანტს“ ელექტრონული საკომუნიკაციო კანალიზაციის არხებთან დაშვების მომსახურების ხელშეკრულებას (შემდგომში ხელშეკრულება).
- 4.5. „აქცეპტანტი“ ვალდებულია 7 (შვიდი) კალენდარული დღის ვადაში მის მიერ ხელმოწერილი ხელშეკრულება უკან დაუბრუნოს „ოფერენტს“. თუ ამ ვადაში ხელმოწერილი ხელშეკრულება არ იქნება დაბრუნებული, ჩაითვლება, რომ „აქცეპტანტი“ უარს აცხადებს ოფერენტაზე და „ოფერენტი“ უფლებას იტოვებს დაუყოვნებლივ შეწყვიტოს „აქცეპტანტთან“ ფაქტობრივი ურთიერთობები (მათი

არსებობის შემთხვევაში), შესაბამისად, ჩაითვლება, რომ მხარეებს არანაირი სამართლებრივი ურთიერთობა არ აკავშირებთ.

4.6. „აქცეპტანტის“ მიერ „ოფერენტის“ ელექტრონული საკომუნიკაციო კანალიზაციის არხებთან დაშვების კონკრეტული მოთხოვნის დადგომის შემთხვევაში „აქცეპტანტი“ ვალდებულია წარმოადგინოს წინამდებარე ოფერენტის დანართი #1-ით განსაზღვრული განაცხადი („ოფერენტის“ ელექტრონული საკომუნიკაციო კანალიზაციის არხებთან დაშვების შეთავაზებაზე მოთხოვნის ფორმა).

ა) აღნიშნული განაცხადი იგზავნება მისამართზე: [შპს „ახალი ქსელები“, ა.პოლიტკოვსკაიას #16, თბილისი, საქართველო;](#)

ბ) წარმოდგენილ განაცხადში დაფიქსირებული უნდა იყოს განმცხადებლის დასტური რომ იგი გაცნობილია, ეთანხმება და უპირობოდ შეასრულებს წინამდებარე ოფერენტში დაფიქსირებულ ყველა პირობას;

გ) წარმოდგენილ განაცხადში აღწერილი უნდა იყოს კაბელის საკანალიზაციო არხში განთავსების პროექტი, რომელიც შედგენილია „ოფერენტის“ მიერ გაცემული შესაბამისი ტექნიკური პირობის (გაიცემა განმცხადებლის წერილობითი მოთხოვნის საფუძველზე 10 სამუშაო დღის ვადაში) მიხედვითა და შესაბამის ვადებში (მხოლოდ იმ შემთხვევაში, თუ წარმოდგენილი განაცხადით არ არის მოთხოვნილი შესაბამისი პროექტის მომზადება „ოფერენტის“ მიერ);

დ) წარმოდგენილ განაცხადში აღწერილი უნდა იყოს კაბელის განთავსების განმახორციელებელი ორგანიზაციის დასახელება და პერსონალის ვინაობა (სახელი, გვარი და პირადი ნომერი) (მხოლოდ იმ შემთხვევაში, თუ წარმოდგენილ განაცხადით არ არის მოთხოვნილი შესაბამისი კაბელის განთავსება „ოფერენტის“ მიერ).

4.7. განაცხადის წარმოდგენის პარალელურად „აქცეპტანტი“ ვალდებულია წარმოადგინოს:

- გამოუთხოვადი საბანკო გარანტია, რომლის მოქმედების ვადა უნდა აღემატებოდეს სულ მცირე ერთ წელს;

ან

- „ოფერენტის“ საბანკო ანგარიშზე საავანსო თანხის ჩარიცხვის დამადასტურებელი ქვითარი

აღნიშნული საბანკო გარანტია/საავანსო თანხა წარმოადგენს „აქცეპტანტის“ მიერ „ოფერენტის“ წინაშე ნაკისრი ფინანსური ვალდებულების შესრულების უზრუნველყოფის საშუალებას. საბანკო გარანტიის/საავანსო თანხის წარმოდგენის და გამოყენების პირობები დამატებით განსაზღვრული იქნება მხარეთა შორის გაფორმებული ხელშეკრულებით. ზემოაღნიშნული საბანკო გარანტიისა და საავანსო თანხის ოდენობა დამოკიდებულია „აქცეპტანტის“ მიერ 4.6 პუნქტის მიხედვით წარმოდგენილი განაცხადით მოთხოვნილი მომსახურების მოცულობაზე/ღირებულებაზე და უნდა შეადგენდეს, სულ მცირე, ერთი თვის განმავლობაში მისაღები მომსახურების ღირებულების ორმაგ ოდენობას. ამასთან, წინამდებარე საბანკო გარანტიასთან/საავანსო თანხასთან დაკავშირებული ნებისმიერი ხარჯის (გადარიცხვის საკომისიო და ა.შ.) გაწევას უზრუნველყოფს „აქცეპტანტი“;

4.8. იმ შემთხვევაში, თუ „ხელშეკრულება“ გაფორმდა და ძალაში შევიდა „აქცეპტანტის“ მიერ, 4.7. პუნქტით გათვალისწინებული საგარანტიო საშუალებების წარმოდგენის გარეშე, სახელშეკრულებო ურთიერთობის პერიოდში „აქცეპტანტის“ მიერ „ოფერენტის“ წინაშე ნაკისრი ფინანსური ვალდებულების დარღვევისას, „ოფერენტი“ უფლებამოსილია „აქცეპტანტს“ მოსთხოვოს ამ ოფერენტის 4.7. პუნქტით გათვალისწინებული უზრუნველყოფის საშუალებებიდან ერთ-ერთის წარმოდგენა, რაც „აქცეპტანტმა“ უნდა შეასრულოს მოთხოვნიდან 15 (თხუთმეტი) კალენდარული

დღის ვადაში. „აქცეპტანტის“ მიერ უზრუნველყოფის საშუალების წარუდგენლობა შეიძლება გახდეს ელექტრონული საკომუნიკაციო კანალიზაციის არხებთან დაშვების მომსახურების მიწოდების შეჩერების/შეწყვეტის საფუძველი.

- 4.9. „ოფერენტი“ უფლებას იტოვებს არ მოსთხოვოს „აქცეპტანტს“ წინამდებარე ოფერტის 4.7. პუნქტით გათვალისწინებული პირობის შესრულება იმ შემთხვევაში, თუ ურთიერთგასაწევი მომსახურებების მოცულობის თანაფარდობიდან გამომდინარე, „აქცეპტანტის“ მიერ შემხვედრი ფინანსური ვალდებულების შესრულება უზრუნველყოფილია ურთიერთგაქვითვით.
- 4.10. „აქცეპტანტს“ განაცხადის გაკეთების მომენტისათვის არ უნდა გააჩნდეს „ოფერენტის“ წინაშე შესასრულებელი ფინანსური ვალდებულება (დავალიანება).
- 4.11. მოთხოვნის განხილვის ვადის ათვლა იწყება მხოლოდ იმ შემთხვევაში, თუ 4.6. პუნქტით განსაზღვრული დოკუმენტაცია „აქცეპტანტის“ მიერ წარმოდგენილია როგორც ელექტრონული ფორმით, ასევე წერილობით.
- 4.12. თუ „აქცეპტანტის“ მიერ წარმოდგენილი დოკუმენტაცია აკმაყოფილებს 4.6. და 4.7. პუნქტებით განსაზღვრულ პირობებს და მას არ გააჩნია დავალიანება „ოფერენტის“ მიმართ, „აქცეპტანტის“ მიმართვიდან 5 (ხუთი) სამუშაო დღის ვადაში „ოფერენტი“ შეისწავლის არის თუ არა „აქცეპტანტის“ მიერ წარმოდგენილ განაცხადში დაფიქსირებული მოთხოვნის დაკმაყოფილების ტექნიკური შესაძლებლობა. თუ ტექნიკური შესაძლებლობა არ არსებობს, მაშინ „აქცეპტანტს“ ეცნობება უარი და ჩაითვლება, რომ „აქცეპტანტის“ მიერ განაცხადი არ გაკეთებულა.
- 4.13. „აქცეპტანტის“ მიერ წარმოდგენილ განაცხადში დაფიქსირებული მოთხოვნის დაკმაყოფილების ტექნიკური შესაძლებლობის არსებობისას, „ოფერენტის“ მიერ კაბელის განთავსების პროექტის შედგენის ან/და კაბელის განთავსების მოთხოვნის შემთხვევაში მხარეები 20 (ოცი) სამუშაო დღის ვადაში შეათანხმებენ გასაწევი მომსახურების პირობებს. იმ შემთხვევაში, თუ 20 (ოცი) სამუშაო დღის ვადაში მხარეები ვერ მიაღწევენ შეთანხმებას, განაცხადი დაუბრუნდება „აქცეპტანტს“ და ჩაითვლება, რომ მის მიერ აქცეპტი არ გაკეთებულა;
- 4.14. „აქცეპტანტის“ მიერ წარმოდგენილ განაცხადში დაფიქსირებული მოთხოვნის დაკმაყოფილების ტექნიკური შესაძლებლობის არსებობისას, თუ არ არის მოთხოვნილი არც კაბელის განთავსების პროექტის შედგენა და არც კაბელის განთავსება „ოფერენტის“ მიერ და თუ გასანთავსებელი კაბელის სიგრძე არ აღემატება 20 კმ-ს ან/და წერტილების რაოდენობა არ აღემატება 20 (ოცი) ცალს - 20 (ოცი) სამუშაო დღის ვადაში, ხოლო სხვა შემთხვევაში - 30 (ოცდაათი) დღის ვადაში „ოფერენტი“ ახორციელებს პროექტის შეთანხმებას და დადებითი პასუხის შემთხვევაში (ანუ მაშინ როდესაც წარმოდგენილი განაცხადით მოთხოვნილი კაბელის განთავსების პროექტი შედგენილია ტექნიკური ნორმებისა და „ოფერენტის“ მიერ გაცემული შესაბამისი ტექნიკური პირობის მოთხოვნათა დაცვით), უგზავნის „აქცეპტანტს“ ელექტრონული საკომუნიკაციო კანალიზაციის არხებთან დაშვების მომსახურების ხელშეკრულებას;
- 4.15. „აქცეპტანტი“ ვალდებულია 7 (შვიდი) კალენდარული დღის ვადაში მის მიერ ხელმოწერილი ხელშეკრულება უკან დაუბრუნოს „ოფერენტს“. თუ ამ ვადაში ხელმოწერილი ხელშეკრულება არ იქნება დაბრუნებული, ჩაითვლება, რომ „აქცეპტანტი“ უარს აცხადებს ოფერტაზე და „ოფერენტი“ უფლებას იტოვებს დაუყოვნებლივ შეწყვიტოს „აქცეპტანტთან“ ფაქტობრივი ურთიერთობები (მათი არსებობის შემთხვევაში), შესაბამისად, ჩაითვლება, რომ მხარეებს არანაირი სამართლებრივი ურთიერთობა არ აკავშირებთ.

- 4.16. „აქცეპტანტის“ მიერ ხელმოწერილი ხელშეკრულება „ოფერენტისთვის“ დაბრუნებიდან, ასევე კაბელის დემონტაჟის ან სარემონტო სამუშაოების წარმოების შესახებ „აქცეპტანტის“ წერილობითი მიმართვიდან 3 (სამი) სამუშაო დღის ვადაში, „ოფერენტი“ გასცემს ნებართვას საკანალიზაციო არხში „ოფერენტის“ მიერ შესაბამისი წესით მარკირებული „აქცეპტანტის“ კუთვნილი კაბელის განთავსებაზე (თავისუფალი რესურსის არსებობისას), დემონტაჟზე ან სარემონტო სამუშაოების წარმოებაზე.
- 4.17. „აქცეპტანტის“ წერილობით მიმართვაში მითითებული უნდა იყოს განსახორციელებელი სამუშაოების სახე, აღწერა, ადგილმდებარეობა, ხანგრძლივობა და აღნიშნული სამუშაოების განხორციელებაზე უფლებამოსილ პირთა სია.
- 4.18. „აქცეპტანტი“ ვალდებულია საკუთარი ხარჯით (თუ მხარეთა შორის შეთანხმებით სხვა რამ არ არის გათვალისწინებული) „ოფერენტის“ უფლებამოსილი პირის თანდასწრებით, უზრუნველყოს კაბელის განთავსება/დემონტაჟი/სარემონტო სამუშაოების დაწყება ნებართვის გაცემიდან 10 (ათი) კალენდარული დღის ვადაში. თუ აღნიშნულ ვადაში „აქცეპტანტი“ მისი ბრალეული ქმედებით არ მოახდენს კაბელის დემონტაჟს, მას გაუგრძელდება მომსახურების საფასურის დარიცხვა.
- 4.19. ოფერენტის 4.18. პუნქტის მიხედვით შესასრულებელი სამუშაოების დასრულების შემდგომ, მხარეები, უფლებამოსილი პირების მეშვეობით, აფორმებენ კაბელის განთავსების/დემონტაჟის მიღება-ჩაბარების აქტს, კაბელის განთავსების/დემონტაჟის თარიღის, განთავსებული/დემონტირებული კაბელის ტიპის, დიამეტრის, სიგრძის და მარშრუტის მითითებით;
- 4.20. „აქცეპტანტი“ ვალდებულია, არ დაუშვას კაბელის თვითნებური განთავსება, სხვა არხში გადატანა ან სხვა სახის სამუშაოების წარმოება „ოფერენტის“ წერილობითი ნებართვის გარეშე;
- 4.21. მხარეებს შორის წინამდებარე ოფერენტის შესაბამისად გაფორმებული ელექტრონული საკომუნიკაციო კანალიზაციის არხებთან დაშვების მომსახურების ხელშეკრულების მოქმედებისას, დამატებითი არხის მოთხოვნის შემთხვევაში, „აქცეპტანტი“ ვალდებულია იმოქმედოს მე-4 მუხლში აღწერილი პროცედურის შესაბამისად.
- 4.22. „აქცეპტანტის“ მიერ დამატებითი არხის მოთხოვნის პროექტის დამტკიცების შემთხვევაში, მხარეთა შორის ფორმდება ხელშეკრულების დანართი;
- 4.23. კაბელის განთავსების, დემონტაჟის ან სარემონტო სამუშაოების წარმოებისას „აქცეპტანტი“ ვალდებულია დაიცვას ექსპლუატაციის წესები და არ დაუშვას „ოფერენტის“ საკანალიზაციო არხში სხვა პირის კუთვნილი კაბელის დაზიანება;
- 4.24. „აქცეპტანტი“ ვალდებულია აწარმოოს აღნიშნული სამუშაოები მხოლოდ „ოფერენტის“ უფლებამოსილი პირის თანდასწრებით;
- 4.25. „ოფერენტი“ უფლებამოსილია უარი თქვას 4.16. პუნქტით განსაზღვრული მოთხოვნ(ებ)ის დაკმაყოფილებაზე, თუ აღნიშნული მოთხოვნის წარმოდგენის დღისათვის „აქცეპტანტს“ მის მიმართ გააჩნია ვადადამდგარი შეუსრულებელი ფინანსური ვალდებულება.
- 4.26. ხელშეკრულების შეწყვეტა განიხილება, როგორც „ოფერენტისთვის“ „აქცეპტანტის“ კუთვნილი კაბელ(ებ)ის ჩაჭრის უფლებამოსილების წარმოშობის საფუძველი, შესაბამისად, ხელშეკრულების ვადის ამოწურვისას ან ერთ-ერთი მხარის ინიციატივით მისი შეწყვეტისას, „ოფერენტი“ უფლებამოსილია ჩაჭრას კაბელ(ებ)ი ხელშეკრულების შეწყვეტის დღესვე, ხოლო „აქცეპტანტი“ ვალდებულია მოახდინოს კაბელ(ებ)ის დემონტაჟი ხელშეკრულების შეწყვეტიდან არაუგვიანეს 5 (ხუთი) სამუშაო დღისა, ოფერენტი დადგენილი წესით.
- 4.27. „აქცეპტანტის“ მიერ ოფერენტის 4.26. პუნქტით გათვალისწინებული ვალდებულების ამავე

პუნქტით დადგენილ ვადაში შეუსრულებლობის შემთხვევაში, „ოფერენტი“ უფლებამოსილია თავად განახორციელოს ჩაჭრილი კაბელ(ებ)ის დემონტაჟი.

## მუხლი 5. ანგარიშსწორების პირობები

- 5.1. მხარეებს შორის ანგარიშსწორება წარმოებს ყოველთვიურად, გაწეული მომსახურებების შესახებ საოქმო გადაწყვეტილების საფუძველზე, სრული მოცულობით, არაუგვიანეს საანგარიშო თვის მომდევნო თვის შემდეგი თვის 10 (ათი) რიცხვისა. საოქმო გადაწყვეტილებაში აღნიშნული უნდა იყოს მომსახურების სახეები, მხარეთა კუთვნილი თანხები და საბოლოოდ გადასახდელი თანხა.
- 5.2. ორაზროვნების თავიდან აცილების მიზნით, წინააღმდეგობა მხარეების მიერ წარმოდგენილ მონაცემებს შორის არსებობს მხოლოდ მაშინ, როდესაც ერთ-ერთი მხარე წერილობითი ფორმით და წინამდებარე პუნქტის მიხედვით დადგენილი პირობების დაცვით მეორე მხარეს წარუდგენს გადაანგარიშების მოთხოვნას საოქმო გადაწყვეტილების წარდგენიდან არაუგვიანეს 5 (ხუთი) სამუშაო დღის ვადაში. მხარის მიერ გადაანგარიშების მოთხოვნაში დაფიქსირებული უნდა იყოს დარიცხული თანხის რა ნაწილს ეთანხმება იგი და რას არა, რა საფუძველით ხდის სადაოდ დარიცხულ თანხას. ასევე, გადაანგარიშების მოთხოვნას თან უნდა დაერთოს ყველა ის დოკუმენტი თუ სხვა სახის მტკიცებულება, რომელიც ადასტურებს მხარის მოთხოვნის საფუძველიანობას.
- 5.3. 5.2. მუხლით განსაზღვრულ შემთხვევაში, თუ არსებობს წინააღმდეგობა მხარეების მიერ წარმოდგენილ მონაცემებს შორის, ანგარიშსწორება იწარმოებს ორმხრივად შეთანხმებულ ანუ არასადაო ნაწილზე, ხელშეკრულებით დადგენილ ვადებში. გადაანგარიშების მოთხოვნის მიღებიდან 2 (ორი) სამუშაო დღის ვადაში შეუთანხმებელ ნაწილზე მხარეები ქმნიან ერთობლივ კომისიას, რომელიც 20 (ოცი) სამუშაო დღის ვადაში სწავლობს მხარეთა მიერ წარმოდგენილ შესაბამის დოკუმენტაციას და უზრუნველყოფს შეუთანხმებელი ნაწილის შეთანხმებას. ანგარიშსწორება განხორციელდება შეთანხმების ოქმის საფუძველზე ოქმის შედგენიდან 5 (ხუთი) სამუშაო დღის ვადაში. იმ შემთხვევაში, თუ მხარეები ვერ მიაღწევენ შეთანხმებას თითოეული უფლებამოსილია მიმართოს საქართველოს კომუნიკაციების ეროვნულ კომისიას ან/და სასამართლოს. იმ შემთხვევაში, თუ მხარე უმიზეზოდ უარს ამბობს ოქმის ხელმოწერაზე ან/და შეგნებულად ხელს უშლის ერთობლივი კომისიის მუშაობას, ერთობლივი კომისიის მუშაობის, საქართველოს კომუნიკაციების ეროვნულ კომისიას ან/და სასამართლოში დავის განხილვის პერიოდში, „აქცეპტანტის“ მიერ „ოფერენტისაგან“ მიღებული მომსახურების საფასურის სრული ოდენობით მისაღებად, „ოფერენტი“ უფლებამოსილია გამოიყენოს წინამდებარე ოფერტის 4.2. პუნქტით გათვალისწინებული უზრუნველყოფის საშუალება ან/და შეწყვიტოს ან/და შეაჩეროს მომსახურების გაწევა კანონმდებლობით დადგენილი წესის შესაბამისად.
- 5.4. ყველა სხვა შემთხვევაში (მათ შორის, როდესაც „აქცეპტანტი“ არ აწერს ხელს საოქმო გადაწყვეტილებას), ანგარიშსწორება განხორციელდება „ოფერენტის“ მიერ „აქცეპტანტისათვის“ წარდგენილი გაწეული მომსახურებების შესახებ საოქმო გადაწყვეტილებაში დაფიქსირებული თანხების სრული ოდენობით წინამდებარე ოფერტითა და ხელშეკრულებით გათვალისწინებული ვადებისა და პირობების შესაბამისად.
- 5.5. მხარეები კისრულობენ ვალდებულებას მათ მიერ გაწეულ მომსახურებაზე მოახდინონ მეორე მხარისათვის დღგ-ს ანგარიშ-ფაქტურის წარდგენა საქართველოს საგადასახადო კოდექსის შესაბამისად, ამასთან, არაუგვიანეს საანგარიშო თვის მომდევნო თვის 15 (თხუთმეტი) რიცხვისა, მიუხედავად იმისა, არსებობს თუ არა წინააღმდეგობა მხარეების მიერ წარმოდგენილ მონაცემებს შორის.

- 5.6. ანგარიშსწორების ვადის გადაცილების შემთხვევაში, „ოფერენტი“ უფლებამოსილია „აქცეპტანტს“ დააკისროს პირგასამტეხლო გადასახდელი თანხის 0.1%-ის ოდენობით ყოველ ვადაგადაცილებულ დღეზე. ამასთან, „აქცეპტანტის“ მიერ ჩარიცხული თანხებიდან პირველ რიგში დაიფარება პირგასამტეხლო/ჯარიმა (ასეთის არსებობის შემთხვევაში), ხოლო შემდეგ – ძირითადი დავალიანება.
- 5.7. პირგასამტეხლო(ები)ს დაკისრება წარმოადგენს „ოფერენტის“ უფლებას და არა ვალდებულებას. პირგასამტეხლოს დარიცხვა ხორციელდება ვალდებულების დარღვევის დღიდან, თუ „მხარეთა“ სპეციალური შეთანხმებით სხვა რამ არ არის გათვალისწინებული. „ოფერენტი“ უფლებამოსილია ნებისმიერი უფლება/საჩქეობი, რომლებიც წარმოშობილია „აქცეპტანტის“ მხრიდან ვალდებულებების დარღვევის შედეგად, თავისი შეხედულებისამებრ გამოიყენოს როგორც ცალ-ცალკე, ასევე ერთობლივად.
- 5.8. ფინანსური ვალდებულების დარღვევაში იგულისხმება დადგენილ ვადაში „აქცეპტანტის“ მიერ „ოფერენტისათვის“ თანხის გადაუხდელობა ან/და არასრულად გადახდა.
- 5.9. თანხა გადახდილად ითვლება მხოლოდ იმ შემთხვევაში, როდესაც იგი აისახება „ოფერენტის“ საბანკო ანგარიშზე.
- 5.10. „აქცეპტანტი“ ვალდებულია:
- ა) გადაუხადოს „ოფერენტს“ მიღებული მომსახურების ღირებულება, სანამ გაწეული მომსახურების ღირებულება გაუტოლდება „აქცეპტანტის“ მიერ წარმოდგენილი საბანკო გარანტიით გათავალისწინებულ თანხას;
  - ბ) ჩარიცხოს ახალი საავანსო თანხა, საავანსო თანხის სრულად გახარჯვამდე.

**მუხლი 6. „ოფერენტის“ ელექტრონული საკომუნიკაციო კანალიზაციის არხებთან დაშვების მომსახურებისა და შესაბამისი ხელშეკრულების მოქმედების ვადა და შეწყვეტის პირობები:**

- 6.1. წინამდებარე ოფერენტის საფუძველზე მხარეების მიერ გაფორმებული ხელშეკრულება მოქმედებს „აქცეპტანტის“ მიერ ავანსის სახით გადახდილი თანხის ამოწურვამდე, იმ შემთხვევაში, თუ აღნიშნული მომენტისთვის „აქცეპტანტის“ მიერ, წინამდებარე ოფერენტის 4.7. პუნქტით დადგენილი წესით, არ არის ჩარიცხული ახალი საავანსო თანხა.
- 6.2. წინამდებარე ოფერენტის საფუძველზე მხარეების მიერ გაფორმებული ხელშეკრულება მოქმედებს იმ მომენტამდე, სანამ „აქცეპტანტის“ მიერ წარმოდგენილი საბანკო გარანტიით განსაზღვრული თანხის ოდენობა არ გაუტოლდება „ოფერენტის“ მიერ გაწეული მომსახურების ღირებულებას და გაწეული მომსახურების ღირებულება არ არის გადახდილი „აქცეპტანტის“ მიერ.
- 6.3. წინამდებარე ოფერენტის საფუძველზე მხარეების მიერ გაფორმებული ხელშეკრულების მოქმედების ვადის გასვლა იწვევს „აქცეპტანტთან“ წინამდებარე ოფერენტით გათავალისწინებული მომსახურების გაუქმებას, რაც ხორციელდება ყოველგვარი დამატებითი გაფრთხილების გარეშე.
- 6.4. წინამდებარე „ოფერენტის“ საფუძველზე მხარეების მიერ გაფორმებული ხელშეკრულების შეწყვეტა ხორციელდება საქართველოს მოქმედი კანონმდებლობით დადგენილი წესითა და საფუძველებით.
- 6.5. იმ შემთხვევაში, თუ „აქცეპტანტი“ ვერ ფარავს წინამდებარე ოფერენტით გათვალისწინებული

მომსახურების საფასურს, იგი ვალდებულია აღნიშნული ფაქტის დადგომიდან 3 (სამი) სამუშაო დღის ვადაში წარმოადგინოს იმ კაბელების ჩამონათვალი (მარშრუტის მითითებით), რომლებიც დაკავშირებულია ურთიერთჩართვის მომსახურებასთან. თუ აღნიშნული მომსახურების შეწყვეტა გამოიწვევს „აქცეპტანტისთვის“ ურთიერთჩართვის მომსახურების შეწყვეტას,

„ოფერენტი“ უფლებამოსილია მიმართოს კომისიას „ოფერტით“ გათვალისწინებული მომსახურების შეჩერების/შეწყვეტის მოთხოვნით. ურთიერთჩართვასთან დაკავშირებული კაბელების ჩამონათვალის დადგენილ ვადაში წარმოუდგენლობის შემთხვევაში, „ოფერენტი“ უფლებამოსილია ჩაჭრას „აქცეპტანტის“ კაბელები კომისიისადმი მიმართვის გარეშე, რა დროსაც „ოფერენტი“ თავისუფლდება ყოველგვარი პასუხისმგებლობისგან კაბელების ჩაჭრის ყველა თანამდევ შედეგზე (მათ შორის, ნებისმიერი სახის მატერიალურ ზიანზე/მიუღებელ სარგებელზე)

**მუხლი 7. „ოფერენტის“ კუთვნილი ელექტრონული საკომუნიკაციო კანალიზაციის არხებთან დაშვების მომსახურების მიწოდების ექსტრაორდინალურ და ფორსმაჟორულ შემთხვევებთან დაკავშირებული პირობები**

- 7.1. „ოფერენტმა“ „აქცეპტანტს“ 5 (ხუთი) სამუშაო დღით ადრე უნდა შეატყობინოს გეგმიური სარემონტო ან სხვაგვარი სამუშაოების ჩატარების შესახებ.
- 7.2. 7.1 პუნქტით გათვალისწინებული წინასწარი გაფრთხილების ვადა შეიძლება შემცირდეს ან საერთოდ გამოირიცხოს, თუ სარემონტო, აღდგენითი ან/და სხვაგვარი სამუშაოების ჩატარება „ოფერენტს“ არ შეეძლო წინასწარ გათვალისწინებინა და თუ სამუშაოების ჩატარება საჭიროა დაუყოვნებლივ. ამ პუნქტით გათვალისწინებული გარემოების დადგომის შემთხვევაში „ოფერენტი“ „აქცეპტანტს“ აცნობებს წერილობით აღნიშნული გარემოების დადგომიდან 5 (ხუთი) სამუშაო დღის ვადაში.
- 7.3. მხარეები თავისუფლდებიან პასუხისმგებლობისაგან მათ მიერ ნაკისრი ვალდებულებების სრული ან ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია ხელშეკრულებით გათვალისწინებული ვალდებულებების შესრულება.
- 7.4. `დაუძლეველი ძალის` ქვეშ იგულისხმება გარემოებები, რომლებიც არ არსებობენ ხელშეკრულების დადების დროს და რომელთა დადგომა თუ ზემოქმედება მხარეებს არ შეუძლიათ თავიდან აეცილებინათ და გადაელახათ.
- 7.5. დაუძლეველი ძალის გარემოებებს მიეკუთვნება სტიქიური უბედურებები (წყალდიდობა, მიწისძვრა, ხანძარი და სხვა) აფეთქებები (მათ შორის ტერორისტული თუ დივერსიული აქტები). საომარი მოქმედებები (მათ შორის სამოქალაქო არეულობები და გაფიცვები), ხელისუფლების ისეთი აქტები, რაც არსებითად აფერხებს მხარეთა მიერ ნაკისრი ვალდებულებების შესრულებას და სხვა.
- 7.6. თუ ზემოხსენებულმა გარემოებებმა უშუალოდ იმოქმედეს ელექტრონული საკომუნიკაციო კანალიზაციის არხებთან დაშვების ხელშეკრულებით ნაკისრი ვალდებულებების შერულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება. მხარე, რომლისთვისაც ფორსმაჟორული გარემოებების დადგომის გამო შეუძლებელი გახდა ვალდებულებების შესრულება, ვალდებულია დაუყოვნებლივ, მაგრამ არა უგვიანეს 7 (შვიდი) დღისა ამ გარემოებების დადგომიდან ან დასრულებიდან, შეატყობინოს მეორე მხარეს წერილობით. შეუტყობინებლობის, ან დაგვიანებით შეტყობინების შემთხვევაში მხარე კარგავს

უფლებას დაეყრდნოს ფორს-მაჟორული გარემოებების არსებობას, როგორც პასუხისმგებლობისაგან გათავისუფლების საფუძველს.

**მუხლი 8. „ოფერენტის“ ელექტრონული საკომუნიკაციო კანალიზაციის არხებთან დაშვების მომსახურებასთან დაკავშირებული დავების განხილვის წესი:**

- 8.1. ელექტრონული საკომუნიკაციო კანალიზაციის არხებთან დაშვებასთან დაკავშირებით ნებისმიერი დავა განხილული და გადაწყვეტილი იქნება სასამართლოს მიერ; გარდა იმ დავებისა, რომელთა განხილვაც ელექტრონული კომუნიკაციების შესახებ საქართველოს კანონის თანახმად, მხოლოდ საქართველოს კომუნიკაციების ეროვნული კომისიის პრეროგატივას წარმოადგენს.

**მუხლი 9. დასკვნითი დებულებები**

- 9.1. წინამდებარე ოფერტასა და მხარეთა შორის გაფორმებულ ხელშეკრულებას (მათ შორის დანართებს, რომლებიც წარმოადგენს ხელშეკრულების განუყოფელ ნაწილს) შორის სხვაობის ან წინააღმდეგობის არსებობისას უპირატესი ძალა ენიჭება ხელშეკრულებით გათვალისწინებულ პირობებს, გარდა მომსახურების საფასურის და დაშვების პირობებისა და კანონმდებლობით გათვალისწინებული სხვა შემთხვევებისა.
- 9.2. ამ ოფერტაში ცვლილების შეტანა ხორციელდება შესაბამისი ცვლილების კომისიის ვებგვერდზე გამოქვეყნებით. ოფერტაში ცვლილების შეტანა ავტომატურად გულისხმობს შესაბამის ყველა მოქმედ ხელშეკრულებაში ცვლილების შეტანას იმ რედაქციითა და მოცულობით, რაც გამოქვეყნებული იქნება კომისიის ვებ გვერდზე.

**მუხლი 10. ოფერტის მოქმედების ვადა**

- 10.1 წინამდებარე ოფერტა ძალაში შედის 2015 წლის 01 სექტემბრიდან და მოქმედებს 2 (ორი) წლის ვადით.

შპს „ახალი ქსელების“ დირექტორი

ნანა შარაშენიძე





დანართი #1

შპს "ახალი ქსელების" ელექტრონული საკომუნიკაციო საკანალიზაციო არხებთან დაშვების მოთხოვნის (განაცხადის) ფორმა

1. მომსახურების ტიპი

შპს „ახალი ქსელების“ საკომუნიკაციო კანალიზაციის არხებთან დაშვება

საწყისი  რტილის მისამართი:

საბოლოო  რტილის მისამართი:

კაბელის ტიპი:

კაბელის დიამეტრი:

კაბელის სიგრძე:

დამატებითი მომსახურებები

პროექტის მომზადება

პროექტის  მოზადებას განახორციელებს ახალი ქსელები

პროექტის  მოზადებას განახორციელებს ოპერატორი

ახალი ქსელების საკომუნიკაციო კანალიზაციის არხებში კაბელის ჩადების სამუშაოების განხორციელება

კაბელის ჩაება განხორციელდება ახალი ქსელების მიერ (ზედამხედველობას გასწევს ახალი ქსელები)

კაბელის ჩაება განხორციელდება ოპერატორის მიერ (ზედამხედველობას გასწევს ახალი ქსელები)

2. საკონტაქტო ინფორმაცია (ივსება ოპერატორის მიერ)

ინფორმაცია კომპანიის შესახებ  ოპერატორი

საკონტაქტო პირის ნომერი:	
კომპანიის სახელწოდება	
ხელმძღვანელი პირი	
საიდენტიფიკაციო ნომერი	

3. ახალი ქსელების საკონტაქტო ინფორმაცია

საკონტაქტო პირის ნომერი:

ელ. ფოსტა:

ფაქსი:

4. დამატებითი ინფორმაცია

5. დასტური

ვადასტურებ, რომ გავეცანი, ვეთანხმები და უპირობოდ შევასრულებ შპს „ახალი ქსელები“ ელექტრონული საკომუნიკაციო კანალიზაციის არხებთან დაშვების შეთავაზების წინადადების (მოწვევის ოფერტის) ყველა პირობას.

კომპანიის ხელმძღვანელი

\_\_\_\_\_ /                    /